

Universitätsbibliothek Wuppertal

Epistolæ obscurorum virorum

cvm inlvstrantibvs adversariisqve scriptis

Textvs

Hutten, Ulrich von

Lipsiæ, 1864

50. Magister Adolfus Clingesor

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-976](https://nbn-resolving.org/urn:nbn:de:hbz:468-1-976)

50.

◐ Magister Adolfus Clingesor

Magistro Ortvinio Gratio

Salutem plurimam dicit.

Sicut nuper intellexistis de me quod solent hic mecum disputare de Iohanne Reuchlin et causa fidei: Sciatis quod postquam misistis mihi illum librum Iohannis Pfefferkorn qui intitulatur 'Defensio Iohannis Pfefferkorn contra famosas', tunc ivi ad quendam qui semper tenet mihi oppositum, et ostendi ei in illo libro circa finem scilicet O ij, ubi sic scribitur 'Ante .XX. annos, si bene memini, nobis Coloniensibus a Iohanne Lichtenberger 10 sive peregrino Ruth heremita, (cuius prognostica Moguntię tam latine quam teutonice impressa sunt) vaticinata fuisse. Sic enim scribit folio .XVI. "Attendite, o vos Philosophi Colonienses, ne lupi rapaces introeant in ovile vestrum: Nam temporibus vestris exurgent nova et inaudita in ecclesiis vestris quę almipotens avertat". Cum ille legisset, stetit modicum, et pensavit. 15 Deinde dixit: 'Ego miror stultitiam Theologorum. Creditis quod omnes homines sunt pueri, quod possitis eis persuadere talia? Sed quia Theologi Colonienses volunt ita subtiles videri, ego ostendam vobis unam prophetiam de Iohanne Reuchlin quę magis erit ad propositum. Et postea demonstrabo etiam illam prophetiam quam illi ponunt, quod est pro Reuchlin 20 et non contra eum. Videatis igitur Sophonię primo, ubi propheta sic dicit: „Et erit in tempore illo, scrutabor Hierusalem in lucernis et visitabo super defixos in fecibus suis, qui dicunt in cordibus suis etc.” Nunc quia vos Colonienses pretenditis scripturas trahere ad placitum vestrum: Audiat quomodo etiam ego possum exponere verba prophete. Dicit ergo 25 dominus per os prophete: "Et erit in die illa, scrutabor Hierusalem", id est visitabo ecclesiam meam, cogitans reformare eam, et tollere errores si sunt aliqui in ea; et "hoc faciam in lucernis", id est mediantibus doctissimis viris, sicut sunt in Almania Erasmus Roterodamus et Iohannes Reuchlin, et Mutianus Ruffus et alii: "et visitabo super viros", id est Theo- 30 logos, "defixos", id est obstinaciter induratos, "in fecibus suis", id est in quadam sordida et tenebrosa et inepta Theologia, quam ante pauca secula usurpaverunt sibi, relinquentes illos antiquos et literatos Theologos

² M. 4.5. ³ M. 5. ⁴ S. P. D. 4. omis. 5. ⁵ Icut 4. relicto loco τῇ 5. ⁶ Ioan. 5. michi 5. et sic paullo post. ⁷ Iohannes 4. Io. P. 4. Ioan. Pfeffer. 5. ⁸ O ij. col. 2. et Oij. col. 1. ¹⁰ Coloni. 5. Io. 5. ¹² sint) 4.5. ¹³ Colo. 5. ¹⁶ stulticiā 5. ¹⁷ Sed 4. S; 5. ¹⁸ Colo. 5. ¹⁹ Io. R. 4.5. ²⁰ Reu. 5. ²¹ eū videatis 4. e 5. ²² Ihieruf. 5. ²³ fu. x. 5. Colo. 5. ²⁶ q 4. e 5. herusalē 4. hieru. 5. ²⁷ erro. 5. ^{29,30} Io. reuch. et. 5. ³¹ facibo 4.5. ³² quedam 4.5.

qui in vera luce scripturarum ambulaverunt. Ipsi autem non sciunt neque latinas neque græcas neque hebraicas literas, ut possint scripturas intelligere. Et ergo relictæ vera et originali Theologia, nihil amplius faciunt nisi quod disputant et argumentantur et movent inutiles quæstiones. Et ista faciendo dicunt se defendere fidem Catholicam, cum tamen neminem apud se habeant qui pugnat contra fidem. et sic inutiliter perdunt tempora et non conferunt aliquam utilitatem in ecclesia dei. Sed si disputationes eorum haberent aliquam utilitatem, tunc possunt illam vertere ad commodum ecclesiæ fidei Catholicæ eundo per mundum et prædicare verbum dei sicut Apostoli, et disputare contra Græcos quod redeant in unionem cum ecclesia Romana. Vel si non vellent longe abire, saltem irent in Bohemiam concludentes illam gentem cum Argumentis et Syllogismis suis. Sed hoc non faciunt. Verum ibi disputant ubi non est opus: "Ergo visitabit eos dominus" et mittet quosdam alios Doctores græce, latine et hebraice doctos, qui "eiectionis illis fecibus", id est ablatis illis ineptis Cavillationibus et adulterinis Theologiæ et obscuris commentationibus, adducent lucernas suas et illustrabunt scripturas, et restituent nobis antiquam et veram Theologiam, sicut nuper ille prænominatus Erasmus emendavit libros sancti Hieronimi, et fecit eos imprimi. etiam emendavit novum testamentum, quod ego credo esse maiori utilitati quam si viginti milia Scotistæ vel Thomistæ centum annos disputarent de Ente et essentia. Postquam dixit talia, Respondi ego: 'Custodiat me dominus deus, quid audio? Vos de facto estis excommunicatus': et volui abire ab eo. tunc tenuit me dicens 'Audiatis tamen finem'. Respondi 'Nolo audire finem'. Tunc dixit 'Audiatis ergo solum quomodo exponam vestram prophetiam'. et cogitavi mecum quod volo audire: quia nihil nocet audire unum excommunicatum, dummodo aliquis non bibit vel comedit secum. Tunc incepit sic: "Attendite, o vos philosophi Colonienses": Non dixit "Theologi", sed "philosophi": quia theologia Coloniensium potius est philosophia, id est Ars Sophistica, quam Theologia dicenda, quia nihil aliud est quam garrulitas diabolica et inanis loquacitas. "Ne lupi rapaces", scilicet Iacobus de Hochstraten, Arnoldus de Tungari et similes, qui falsitate et fraudibus suis violenter et ferociter invadunt innocentes oves, quales sunt et fuerunt Petrus Ravennas et Iohannes Reuchlin, volentes eos declarare hæreticos propter doctrinam et laudem suam cui ipsi invident. Et quia vident quod ipsi non possunt talia efficere qualia isti doctissimi viri: ergo vellent libenter perdere eos. Hi sunt igitur lupi rapaces qui insidiantur famæ ac

¹ aut 5. ² e 4. q 5. ³ originali 4. ¹⁰ e 4. q 5. ¹² Boemiā 4. Illam 4.
^{14.15} Græce Latine et Hebraice 5. Idem 4. ¹⁶ Theologie 4.5. ¹⁹ .s. 5. Im-
 primi 4. ²³ eo tunc 4. ²⁵ vestram omis. 5. ²⁹ theplogia 5. idē 4. idem 5.
³² Hochstrate 5. ³³ qualis 4.5. Iohān. 5. ³⁷ q 4. e 5.

vite innocentum. Et sic per septem iam annos rapuerunt et tractaverunt hincinde miserum senem Iohannem Reuchlin: et nisi omnipotens deus aver-
tisset illud malum, omnino devorassent eum. Et non potest exponi, quod Reuchlin sit ille lupo rapax: quia in tota vita sua neminem rapuit, id est neminem falso accusavit vel contra vitam aut famam eius dictis vel scriptis ⁵ egit. Sed attendatis, quid sonant sequentia verba: "Introivit in ovile vestrum". Quia ille bonus Reuchlin nunquam intravit studium Coloniense: immo nunquam habuit curam de Theologis Coloniensibus vel ecclesia Coloniensi, sed habuit alia agere maioris utilitatis: Ergo ipse non potest dici unus ex illis lupis rapacibus, de quibus Lichtenberger sentit, qui debet esse ex ¹⁰ ovili Coloniensi. Consequenter: "Nam temporibus vestris exurgent nova et inaudita": Bene "nova et inaudita", Quia neque oculus vidit neque auris audivit, neque in cor hominis descendit, quod ita doctus et probus vir, qui tam multis profuit et nemini unquam nocuit, in summa senectute sua debet ita crudeliter et perfide vexari et conturbari et persecutionem pati. ¹⁵ Et ergo sequitur "in ecclesiis vestris": quapropter non potest de Reuchlin allegari, quia ipse benignissime vivit extra ecclesiam Coloniensem, scilicet in Episcopatu Constantiensi. "Et sic spero quod venient Canes", id est fideles Custodes ovium, qui sine Invidia et malevolentia humiliter et fide-
liter pascent oves Christi, id est populum Christianum, "et dilacerabunt ²⁰ illos lupos qui vastaverunt ovile dei, et purgabunt Ecclesiam dei", id est eiicient illos sordidos et fœculentos theologos qui nihil sciunt et omnia scire pretendunt. Postquam talia dixit, recessi ab eo, et iuravi ad sancta sanctorum quod volo scribere ad Coloniam. Peto ergo humiliter quod velitis ista dicere Magistris Nostris et Iohanni Pfefferkorn qui est quasi ²⁵ scriptor Coloniensium et scit mirabiliter componere, ut bene vexet eos scriptis suis. Ille qui dixit ista, est natus ex Perlin. Si vultis nomen eius scire, tunc scribatis mihi, et dicam vobis. Ipse stetit Bononię, ubi fuit bene castigatus: sed tamen adhuc loquitur contra Theologos et est male Christianus: et manet in pravitate sua, et ergo morietur in gehenna, ³⁰ a qua dominus deus conservet vos et Theologos et fratres Prędicatores per omnia sęcula sęculorum Amen. Datum Franckfordię apud Oderam.

¹ vite 4. 5. tracraverūt 4. ² Io. reu. Et 5. ⁴ Reu. 5. . Quia 5. . sua vita 5. ⁵ aut] vel 5. dictis *omis.* 5. ⁶ frequencia 5. ⁷ . Immo 4. 5. ⁸ Colo-
nienfis. Sed 5. ¹³ . neq; cor in homīe 5. ¹⁹ : que 4. : que 5. ²⁰ delacera-
bunt 4. delacerabūt 5. ²² fœdidas 4. 5. ²³ e 4. e 5. Iuravi 4. ²⁴ humiliter 4.
²⁵ Iōāni Pfeffer. 5. ²⁸ e 4. e 5. ³² e 4. e 5. *ter.*